



01/4

KABINET DIREKTORA

Broj: 01-18-2-1756- 10 /18
Banja Luka, 12.11. 2018. godine

01/4-1 - *fueraurata
8/11/18*

13.11.2018

REGIONALNIM CENTRIMA
ODSJEKU ZA CARINSKE POSLOVE

**Predmet: Postupanje kod uvoza vozila koja podliježu homologaciji i
uvoza upotrebljivanih spoljnih pneumatskih guma, o b j a š n j e n j e**

Radi primjene Odluke o ograničenju uvoza putničkih automobila, teretnih vozila i spoljnih pneumatskih guma ("Službeni glasnik BiH", broj 52/16) i omogućavanja učesnicima u carinskom postupku pribavljanje odgovarajuće isprave u vezi homologacije vozila, te u cilju jednoobraznog postupanja carinskih organa i učesnika u carinskom postupku, ovim aktom daju se određene informacije u vezi homologacije vozila i uvoza upotrebljivanih spoljnih pneumatskih guma i objašnjenje o carinskom postupanju.

I - HOMOLOGACIJA VOZILA

1. Informacije o propisima o uvozu i homologaciji vozila

- 1.1. Odlukom o ograničenju uvoza putničkih automobila, teretnih vozila i spoljnih pneumatskih guma ("Službeni glasnik BiH", broj 52/16), stavljena je van snage Odluka o ograničenju uvoza putničkih automobila, teretnih vozila i automobilskih guma ("Službeni glasnik BiH", br. 20/00, 36/00 i 41/01).

Odlukom o ograničenju uvoza putničkih automobila, teretnih vozila i spoljnih pneumatskih guma dozvoljava se uvoz vozila koja zadovoljavaju najniže tehničke zahtjeve za novoproduzvedena i korišćena vozila u procesima homologacije tipa vozila i homologacije pojedinačnog vozila shodno Odluci o najnižim tehničkim zahtjevima za novoproduzvedena i korišćena vozila u procesima homologacije tipa vozila i homologacije pojedinačnog vozila, te za dijelove, uređaje i opremu vozila pri homologaciji tipa, te za dijelove, uređaje i opremu vozila pri homologaciji tipa ("Službeni glasnik BiH", broj 17/16).

- 1.2. Homologacija vozila uređena je sljedećim propisima:
- Pravilnikom o homologaciji vozila, dijelova uređaja i opreme vozila ("Službeni glasnik BiH", broj 41/08, u daljem tekstu: Pravilnik),
 - Odlukom o najnižim tehničkim zahtjevima za novoproduzvedena i korišćena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa ("Službeni glasnik BiH", broj 17/16),

- Odlukom o posebnim vrstama uvoza za koja se ne provodi postupak homologacije pojedinačnog vozila ("Službeni glasnik BiH", br. 34/11 i 73/11),
- Uputstvom o provođenju postupka homologacije pojedinačnog vozila ("Službeni glasnik BiH", broj 89/10),
- Uputstvom o provođenju postupka homologacije tipa vozila ("Službeni glasnik BiH", broj 89/10) i
- Naredbama koje su objavljene u "Službenom glasniku BiH", broj 89/10, kojima su propisani jednoobrazni tehnički zahtjevi koje moraju ispunjavati određene kategorije vozila.

2. Definicije

- 2.1. Shodno članu 3. tačka b) Pravilnika, u smislu Pravilnika, "**uvoz vozila**" znači nabavka vozila iz inostranstva sa namjerom njihovog stavljanja na tržište ili registraciju u Bosni i Hercegovini.
- 2.2. Shodno članu 3. tačka k) Pravilnika, u smislu Pravilnika, "**polovno (korišćeno) vozilo**" je vozilo od čije prve registracije je prošlo najmanje tri mjeseca ili koje je prešlo put od najmanje 3000 kilometara, u protivnom vozilo se smatra novim.

3. Podlijevanje homologaciji

- 3.1. Shodno članu 2. stav (1) Pravilnika, **obavezi homologacije** podliježu drumska motorna i priključna vozila (u daljem tekstu: "vozila") obuhvaćena kategorizacijom vozila za homologaciju prema UN ECE (United Nations Economic Commission for Europe) propisima, datom u Prilogu 1. Pravilnika, koji je sastavni dio Pravilnika.
- 3.2. Prema odredbama Pravilnika, **homologaciji podliježu vozila** iz člana 2. stav (1) Pravilnika koja se stavlja u slobodan promet u Bosni i Hercegovini i vozila koja se privremeno uvoze u Bosnu i Hercegovinu a podliježu privremenoj registraciji u Bosni i Hercegovini.

U kojim slučajevima vozila koja se privremeno uvoze u Bosnu i Hercegovinu podliježu privremenoj registraciji u Bosni i Hercegovini propisano je članom 214. Zakona o osnovama bezbjednosti saobraćaja na putevima u Bosni i Hercegovini ("Službeni glasnik BiH", br. 06/06, 75/06, 44/07, 84/09, 48/10, 18/13, 8/17, 89/17 i 9/18).

- 3.3. Shodno članu 9. Odluke o najnižim tehničkim zahtjevima za novoproduzvana i korišćena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa, vozila koja su na teritoriju Bosne i Hercegovine dospjela ili je njihova narudžba izvršena do dana stupanja na snagu navedene odluke (do 30.03.2016.) moraju na dan prijave za carinjenje ispunjavati zahtjeve prema Odluci o najnižim tehničkim zahtjevima za novoproduzvana i korišćena vozila u procesima homologacije tipa vozila i homologaciji pojedinačnog vozila ("Službeni glasnik BiH", br. 89/10 i 09/12).

4. Određena izuzeća u pogledu postupka homologacije pojedinačnog vozila

- 4.1. Pravilnik se **ne odnosi** na vozila, radne mašine i izmjenjivu mašinsku opremu navedenu u članu 2. stav (2) Pravilnika (vidjeti tačku 9.1. ovog objašnjenja).
- 4.2. Postupak homologacije pojedinačnog vozila **ne provodi se za posebne vrste uvoza** (uvoz vozila posebne namjene) propisane članom 2. Odluke o posebnim vrstama uvoza za koja se ne provodi postupak homologacije pojedinačnog vozila, koja je donijeta u skladu sa članom 2. stav (3) Pravilnika.

Zahtjev za izuzeće iz postupka homologacije pojedinačnog vozila *za posebne vrste uvoza* iz člana 2. Odluke o posebnim vrstama uvoza za koja se ne provodi postupak homologacije pojedinačnog vozila podnosi se Ministarstvu komunikacija i transporta Bosne i Hercegovine, uz odgovarajuće dokaze navedene u članu 3. te odluke.

Za vozila obuhvaćena Odlukom o posebnim vrstama uvoza za koja se ne provodi postupak homologacije pojedinačnog vozila *provodi se postupak identifikacije i ocjene tehničkog stanja*.

- 4.3. Homologacija vozila **za posebne vrste uvoza ne provodi se** u slučajevima propisanim članom 13. stav (1) Pravilnika.

Shodno članu 13. stav (2) Pravilnika, za vozila navedena u članu 13. stav (1) Pravilnika *provodi se postupak identifikacije i ocjene tehničkog stanja*.

Zahtjev za primjenu odredbi člana 13. stav (1) tač. a) i b) Pravilnika podnosi se Ministarstvu komunikacija i transporta Bosne i Hercegovine. Uz zahtjev prilaže se potvrda Ministarstva inostranih poslova Bosne i Hercegovine da su ispunjeni uslovi za primjenu olakšice za diplomatsko - konzularna predstavništva i njihovo osoblje iz Bečke konvencije o diplomatskim odnosima.

Zahtjev za primjenu odredbi člana 13. stav (1) tač. c), d) i e) Pravilnika podnosi se Ministarstvu komunikacija i transporta Bosne i Hercegovine.

5. Homologacija pojedinačnog vozila

- 5.1. Homologacija pojedinačnog vozila provodi se za polovna vozila iz uvoza, za nova vozila koja dobavljač pojedinačno uvozi radi prodaje ili za svoje potrebe u skladu sa Pravilnikom, te u drugim slučajevima predviđenim Pravilnikom.
- 5.2. U slučaju ispunjavanja uslova iz Pravilnika i drugih propisa iz oblasti homologacije pojedinačnog vozila, tijelo za homologaciju, putem tehničkog servisa ovlaštenog za homologaciju, izdaje **potvrdu o usklađenosti pojedinačnog vozila**, na obrascu iz Priloga 4. Uputstva o provođenju postupka homologacije pojedinačnog vozila (član 4. navedenog uputstva). Taj obrazac je serijski numerisan i izrađen sa odgovarajućom zaštitom.
- 5.3. Ako tehnički servis ovlašten za homologaciju utvrdi da pojedinačno vozilo ne zadovoljava odredbe Pravilnika i/ili drugih propisa iz oblasti homologacije pojedinačnog vozila, tijelo za homologaciju, shodno članu 12. stav (6) Pravilnika i članu 5. Uputstva o provođenju

postupka homologacije pojedinačnog vozila, može dati rok od 30 kalendarskih dana da se otklone razlozi zbog kojih pojedinačno vozilo ne zadovoljava odredbe pomenutih propisa (vidjeti tačku 8. ovog objašnjenja).

Na zahtjev podnosioca zahtjeva, rok za otklanjanje nedostataka tijelo za homologaciju može produžiti.

- 5.4. Ako se utvrdi da pojedinačno vozilo **ne zadovoljava** uslove iz Pravilnika i/ili drugih propisa iz oblasti homologacije pojedinačnog vozila i da su ti nedostaci neotklonivi, ili se pregledom vozila za koje je dat rok da se otklone nedostaci utvrdi da ne zadovoljava uslove iz Pravilnika i/ili drugih propisa iz oblasti homologacije pojedinačnog vozila, ili podnosilac zahtjeva ne doveze vozilo na pregled u okviru roka datog za otklanjanje nedostataka, Ministarstvo komunikacija i transporta Bosne i Hercegovine, shodno članu 5. Uputstva o provođenju postupka homologacije pojedinačnog vozila, donosi rješenje kojim se uskraćuje izdavanje *potvrde o usklađenosti* (vidjeti tačku 9.2. ovog objašnjenja).

6. Homologacija tipa vozila

- 6.1. Shodno Uputstvu o provođenju postupka homologacije tipa vozila, homologacija tipa vozila provodi se za tipove novih vozila koja se proizvode u inostranstvu i uvoze u Bosnu i Hercegovinu, kao i u Bosni i Hercegovini proizvedenih vozila, ako je serija predmetnog tipa veća od 10.
- 6.2. Kada se utvrdi da tip vozila zadovoljava propisane uslove, Ministarstvo komunikacija i transporta Bosne i Hercegovine izdaje *certifikat o usklađenosti tipa vozila*, odnosno *homologacijski list tipa vozila*.

Obrazac certifikata o usklađenosti tipa vozila dat je u Prilogu 3., a obrazac homologacijskog lista tipa vozila u Prilogu 4. Uputstva o provođenju postupka homologacije tipa vozila.

- 6.3. Ako se utvrdi da tip vozila ne zadovoljava propisane uslove, Ministarstvo komunikacija i transporta Bosne i Hercegovine donosi rješenje kojim se uskraćuje izdavanje certifikata o usklađenosti tipa vozila, odnosno homologacijskog lista tipa vozila.
- 6.4. Dobavljač koji posjeduje certifikat o usklađenosti tipa vozila, odnosno homologacijskog lista tipa vozila, za svako pojedinačno vozilo izdaje **izjavu o usklađenosti vozila**, na obrascu iz Priloga 6. Uputstva o provođenju postupka homologacije tipa vozila.

Izjavom o usklađenosti se korisniku garantuje usklađenost vozila sa homologovanim tipom vozila u Bosni i Hercegovini.

Dobavljač *može izdati izjavu o usklađenosti tipa vozila* samo na osnovu certifikata o usklađenosti tipa vozila, odnosno homologacijskog lista tipa vozila, izdatog na njegovo ime.

II - OBJAŠNENJE O CARINSKOM POSTUPANJU

7. Postupak provoza (TR prijava, rok predocjenja i razduzenje)

- 7.1. Kod ulaska vozila u carinsko područje Bosne i Hercegovine koje podliježe postupku homologacije ili postupku identifikacije i ocjene tehničkog stanja, u polaznoj carinskoj kancelariji na graničnom prelazu preko koje vozilo ulazi (bez obzira preko kojeg graničnog prelaza ulazi, vidjeti tačku 11. ovog objašnjenja) podnosi se carinska prijava za postupak provoza (u daljem tekstu: TR prijava).

TR prijava se popunjava u skladu sa pravilima propisanim propisima o popunjavanju carinskih prijave. Prema tim pravilima, u polju 31 TR prijave treba biti naveden tačan opis i karakteristike predmetnog vozila, radi njegove identifikacije.

- 7.2. **Rok predocjenja** (pokazivanja) vozila odredišnoj carinskoj kancelariji (u daljem tekstu: odredišna carinska ispostava) može iznositi **do šest radnih dana** od dana prihvatanja TR prijave, pri čemu se radnim danom smatra i subota, osim ako u subotu pada državni praznik.

Slijedom toga, polazna carinska kancelarija, kao rok predocjenja u TR prijavi (u polje D/J, peti red) upisuje šesti radni dan od dana prihvatanja TR prijave (na primjer, ako je TR prijava prihvaćena 12.11.2018. godine, kao rok predocjenja odredišnoj carinskoj ispostavi upisuje se 19.11.2018. godine).

- 7.3. U roku predocjenja iz tačke 7.2. ovog objašnjenja, deklarant je obavezan za vozilo pribaviti odgovarajuću ispravu u pogledu homologacije i to, u zavisnosti od situacije:

- potvrdu o usklađenosti pojedinačnog vozila (vidjeti tačku 3. i 5.), ili
- izjavu o usklađenosti tipa vozila (vidjeti tačku 6.), ili
- potvrdu o identifikaciji vozila i ocjeni tehničkog stanja (vidjeti tačku 4.2. i 4.3. ovog objašnjenja).

- 7.4. Do isteka roka predocjenja iz tačke 7.2. ovog objašnjenja, nezavisno od rezultata postupka homologacije, deklarant ili njegov ovlašteni zastupnik mora vozilo (i originalni primjerak 4 i 5 TR prijave) predociti i prijaviti odredišnoj carinskoj ispostavi u koju je upućeno, radi završetka odnosno razduženja postupka provoza.

- 7.5. Uz carinsku prijavu kojom se razdužuje postupak provoza za predmetno vozilo, pored ostale neophodne dokumentacije, mora biti priložena, u ovjerenoj kopiji, i odgovarajuća isprava o rezultatu homologacije izdata od nadležnog tijela za homologaciju, zavisno od situacije (vidjeti tačku 7.3. ovog objašnjenja). Podaci o toj ispravi upisuju se u polje 44. carinske prijave (vidjeti tačku 8.4. ovog objašnjenja).

- 7.6. Kada se vozilo iz tačke 7.1. ovog objašnjenja, nakon postupka provoza, a prije njegovog stavljanja u slobodan promet ili privremeni uvoz, stavlja u postupak carinskog skladištenja, tada se za ta vozila postupak homologacije može obaviti, to jest pribaviti odgovarajuća isprava o homologaciji dok je vozilo u postupku carinskog skladištenja, uz primjenu člana 22. Uputstva o odobravanju držanja carinskog skladišta i postupku carinskog skladištenja ("Službeni glasnik BiH", br. 25/08, 76/08, 12/09, 43/10 i 13/12).

8. Privremeni prekid postupka homologacije pojedinačnog vozila i postupak obrade pod carinskom kontrolom

- 8.1. Ako tijelo za homologaciju, u provođenju postupka homologacije, utvrdi da vozilo ne zadovoljava odredbe Pravilnika i/ili drugih propisa iz oblasti homologacije i da rok za otklanjanje tih razloga i o tome izda *Izveštaj o privremenom prekidu postupka homologacije pojedinačnog vozila* na obrascu iz Priloga 5. Uputstva o provođenju postupka homologacije pojedinačnog vozila, **u tom slučaju deklarant je dužan** o tome obavijestiti određenu carinsku ispostavu navedenu u polju 53 TR prijave, dostavljanjem navedenog Izveštaja.
- 8.2. Izveštaj o privremenom prekidu postupka homologacije pojedinačnog vozila, prema sadržaju obrasca istog i shodno članu 5. Uputstva o provođenju postupka homologacije pojedinačnog vozila, **mora sadržavati i podatke o nedostacima koji su pregledom konstatovani od strane tijela za homologaciju** zbog kojih pojedinačno vozilo ne zadovoljava propisima iz oblasti homologacije, koji podaci su značajni za carinski postupak. U protivnom, isti će od strane određene carinske ispostave iz tačke 8.1. ovog objašnjenja biti vraćen deklarantu radi njegove dopune od strane izdavaoca navedenog Izveštaja (vidjeti tačku 8.4. ovog objašnjenja).
- 8.3. U slučaju izdavanja Izveštaja o privremenom prekidu postupka homologacije pojedinačnog vozila od strane tijela za homologaciju, te ako otklanjanje utvrđenih nedostataka na vozilu navedenih u tom izvještaju zahtijeva određenje radnje (na primjer, određena popravka ili zamjena navedenog dijela na vozilu na koji se odnose nedostaci konstatovani u Izveštaju a radi ispunjenja tehničkih zahtjeva u pogledu propisa o homologaciji), **te se radnje, i to samo u tom slučaju i u obimu koji je potreban samo zbog otklanjanja konstatovanih nedostaka radi ispunjenja tehničkih zahtjeva u pogledu propisa o homologaciji,** mogu obaviti u okviru postupka obrade pod carinskom kontrolom shodno članu 348. stav 1. drugi podstav Odluke o provedbenim propisima Zakona o carinskoj politici Bosne i Hercegovine.
- 8.4. U slučaju iz tačke 8.3. ovog objašnjenja deklarant je obavezan odmah, a najkasnije prvi naredni radni dan po dobijanju Izveštaja o privremenom prekidu postupka homologacije pojedinačnog vozila **i prije početka obavljanja radnji** u vezi otklanjanja konstatovanih nedostataka radi ispunjenja tehničkih zahtjeva u pogledu propisa o homologaciji, određenoj carinskoj ispostavi, uz predočenje vozila, podnijeti carinsku prijavu za postupak obrade pod carinskom kontrolom (član 3. stav (3) Uputstva o postupku obrade pod carinskom kontrolom), uz koju prijavu podnosi i navedeni Izveštaj (vidjeti tačku 8.2. ovog objašnjenja). U tom slučaju, TR prijava se razdužuje prihvaćenom carinskom prijavom za postupak obrade pod carinskom kontrolom.

Uz carinsku prijavu za puštanje u slobodan promet vozila *nakon postupka obrade pod carinskom kontrolom*, pored ostale dokumentacije, deklarant ili njegov ovlaštteni zastupnik mora, u ovjerenoj kopiji, priložiti i odgovarajuću ispravu o homologaciji izdatu od tijela za homologaciju, kao i dokumenta koja se odnose na sve obavljene radnje u okviru postupka obrade pod carinskom kontrolom (vrsta i vrijednost bilo koje upotrijebljene bh. robe i svi drugi troškovi tih radnji), radi primjene člana 348. stav 3. Odluke o provedbenim propisima Zakona o carinskoj politici Bosne i Hercegovine ("Službeni glasnik BiH", br. 63a/04, 60/06 i 57/08).

- 8.5. Ako se Izveštaj o privremenom prekidu postupka homologacije pojedinačnog vozila odnosi samo na nedostatak u pogledu **broja motora i/ili broja šasije vozila** (broj motora i broj šasije su uslov i za dobijanje isprave za homologaciju), te u Izveštaju nisu navedeni nikakvi drugi nedostaci, niti su za potrebe ukucavanja broja motora i/ili broja šasije vozila potrebne

radnje popravke, u tom slučaju ne provodi se postupak obrade pod carinskom kontrolom.

U navedenom slučaju, obzirom da je prema odredbi Priloga 1. (redni broj 2.) Pravilnika o certifikovanju vozila i uslovima koje organizacije za certifikovanje vozila moraju ispuniti ("Službeni glasnik BiH", broj 41/08), za ukucavanje broja motora i/ili broja šasije vozila potrebna uputnica od carinskog organa, deklarant treba dobiti Izvještaj o privremenom prekidu postupka homologacije pojedinačnog vozila dostaviti odredišnoj carinskoj ispostavi sa kopijom TR prijave za predmetno vozilo. Na tom Izvještaju ta ispostava će, u vidu zabilješke, odobriti navedeno, te isti vraća deklarantu, a njegovu kopiju zadržava u službenoj evidenciji. Zabilješka treba da sadrži i podatke o TR prijavi (oznaka TR/MRN broj) za vozilo na koje se odnosi pomenuti Izvještaj.

U navedenom slučaju, deklarant je obavezan uz carinsku prijavu kojom razdužuje postupak provoza po TR prijavi koja je u pitanju priložiti i dokaz o ukucanom broju motora i/ili broju šasije predmetnog vozila, a podaci o tom dokazu kao i podaci o Izvještaju o privremenom prekidu postupka homologacije pojedinačnog vozila moraju biti upisani u polje 44 te prijave.

- 8.6. Osim u slučaju iz tačke 8.3. i 8.5. ovog objašnjenja, **deklarant ne smije** u carinskom području Bosne i Hercegovine obavljati nikakve radnje na vozilu ili podvrgnuti obavljanju dok je vozilo pod carinskim nadzorom, to jest prije sprovođenja carinskog postupka puštanja u slobodan promet vozila.

9. Ostalo

- 9.1. Uz carinsku prijavu za vozila, radne mašine i izmjenjivu mašinsku opremu iz člana 2. stav (2) Pravilnika (vidjeti tačku 4.1. ovog objašnjenja), deklarant mora priložiti **izjavu** da vozilo, radna mašina ili izmjenjiva mašinska oprema (u zavisnosti od situacije) ispunjava uslove i da će se koristiti za namjenu propisanu odgovarajućom odredbom člana 2. stav (2) Pravilnika koja je primjenjiva na odnosno vozilo, radnu mašinu ili izmjenjivu mašinsku opremu, uz konkretno navođenje te odredbe u izjavi. Podaci o izjavi deklaranta upisuju se u polje 44 carinske prijave.

Carinski postupak za vozila, radne mašine i izmjenjivu mašinsku opremu iz člana 2. stav (2) Pravilnika bez provođenja postupka homologacije odredišna odnosno postupajuća carinska ispostava odobrava u vidu zabilješke na carinskoj prijavi, tako što u polju D/J (Kontrola odredišne carinske kancelarije) upisuje tekst: "Bez homologacije/čl. 2/stav 2. Pravilnika".

- 9.2. Ako Ministarstvo komunikacija i transporta Bosne i Hercegovine donese rješenje kojim se uskraćuje izdavanje *potvrde o usklađenosti vozila* (vidjeti tačku 5.4. ovog objašnjenja), odnosno ako deklarant za predmetno vozilo ne pribavi odgovarajuću ispravu u pogledu homologacije (vidjeti tačku 7.3. ovog objašnjenja) i ne zatraži u tom slučaju vraćanje vozila u inostranstvo, odredišna odnosno postupajuća carinska ispostava narediće deklarantu vraćanje vozila u inostranstvo pod carinskim nadzorom, jer isto ne ispunjava uslov za uvoz u pogledu homologacije propisan Odlukom o ograničenju uvoza putničkih automobila, teretnih vozila i spoljnih pneumatskih guma.

Ako deklarant, pod carinskim nadzorom, ne vrati vozilo u inostranstvo, odredišna odnosno postupajuća carinska ispostava preuzima radnje u skladu sa propisima radi regulisanja

nastale situacije.

III - UVOZ UPOTREBLJIVANIH SPOLJNIH PNEUMATSKIH GUMA

10. Uvoz upotrebljivanih spoljnih pneumatskih guma u svrhu recikliranja ili dalje dorade

- 10.1. Odlukom o ograničenju uvoza putničkih automobila, teretnih vozila i spoljnih pneumatskih guma dozvoljava se **uvoz upotrebljivanih spoljnih pneumatskih guma samo ukoliko se iste koriste u svrhu reciklaže ili dalje dorade**, a obavljaće se u skladu sa propisima koji regulišu pitanja upravljanja čvrstim otpadom.
- 10.2. Oblast upravljanja otpadom regulisana je entitetskim propisima i propisima Brčko distrikta Bosne i Hercegovine, i to:
- u Republici Srpskoj: Zakonom o upravljanju otpadom Republike Srpske ("Službeni glasnik RS", br. 111/13, 106/15 i 16/18),
 - u Federaciji Bosne i Hercegovine: Zakonom o upravljanju otpadom Federacije Bosne i Hercegovine ("Službene novine Federacije BiH", br. 33/03, 72/09 i 92/17),
 - u Brčko distriktu Bosne i Hercegovine: Zakonom o upravljanju otpadom ("Službeni glasnik Brčko distrikta BiH", br. 25/04, 1/05, 19/07, 2/08 i 9/09) i
 - podzakonskim aktima donijetim na osnovu navedenih zakona.
- 10.3. Obzirom da se, prema Odluci o ograničenju uvoza putničkih automobila, teretnih vozila i spoljnih pneumatskih guma, *na uvoz upotrebljivanih spoljnih pneumatskih guma* (tarifni broj 4012 20 00 00) *u svrhu reciklaže ili dalje dorade* primjenjuju propisi koji regulišu pitanja upravljanja čvrstim otpadom, to je, prema propisima o upravljanju otpadom navedenim u tački 10.2. ovog objašnjenja, *za uvoz upotrebljivanih spoljnih pneumatskih guma* (tarifni broj 4012 20 00 00) *u svrhu reciklaže ili dalje dorade* potreban sljedeći dokument:
- za uvoznike sa sjedištem u Republici Srpskoj: *rješenje* kojim se daje dozvola za uvoz upotrebljivanih spoljnih pneumatskih guma u svrhu reciklaže ili dalje dorade, koju, u skladu sa Zakonom o upravljanju otpadom Republike Srpske, izdaje ministarstvo nadležno za prostorno uređenje, građevinarstvo i ekologiju Republike Srpske,
 - za uvoznike sa sjedištem u Brčko distriktu Bosne i Hercegovine: *dozvola* za uvoz upotrebljivanih spoljnih pneumatskih guma u svrhu reciklaže ili dalje dorade, koje, u skladu Zakonom o upravljanju otpadom, donosi odjel ovlašten za zaštitu životne sredine,
 - za uvoznike sa sjedištem u Federaciji Bosne i Hercegovine: *saglasnost za uvoz* upotrebljivanih spoljnih pneumatskih guma u svrhu reciklaže ili dalje dorade, koju, u skladu sa Zakonom o upravljanju otpadom Federacije Bosne i Hercegovine, izdaje Federalno ministarstvo okoliša i turizma.


Navedeno rješenje, dozvolu ili saglasnost (zavisno od kojeg nadležnog organa je izdata) deklarant mora imati prilikom ulaska prednje navedene robe u carinsko područje Bosne i Hercegovine na ulaznom graničnom prelazu. Taj dokument mora biti naveden u carinskoj prijavi po kojoj se ta roba, po ulasku u carinsko područje Bosne i Hercegovine stavlja u odgovarajući carinski postupak i, u ovjerenoj kopiji, priložen uz tu prijavu.

IV - OSTALO

11. Odluka Uprave za indirektno oprezivanje broj: 01-02-2-1247-1/10 od 22.06.2010. godine, sa izmjenama i dopunama, kojom su propisani slučajevi u kojima se ne podnosi carinska prijava za postupak provoza, ne primjenjuje se kada je u tim slučajevima roba koja ulazi u carinsko područje Bosne i Hercegovine drumsko motorno i priključno vozilo, u kom slučaju se podnosi carinska prijava za postupak provoza (TR prijava).
12. Šefovi carinskih ispostava i carinskih referata i vođe smjena u carinskim referatima dužni su o prednjem upoznati zaposlene i pružiti im neophodnu stručnu pomoć u vezi primjene propisa na pitanja koja su predmetom ovog akta, te nadzirati i kontrolisati njihovo pravilno provođenje.
13. Primjenom ovog objašnjenja prestaje primjena objašnjenja broj: 01-02-2-2874-2/10 od 31.12.2010. godine.
14. Ovo objašnjenje primjenjuje se osmog dana od dana njegovog donošenja i objaviće se na Web stranici UIO: www.uino.gov.ba u dijelu pod nazivom "Propisi".

Dostavljeno:

1. Naslovu, 4x
2. Kabinetu direktora
- ③ Sektorima i Odjeljenjima u Glavnoj kancelariji UIO
4. Ministarstvu komunikacija i transporta Bosne i Hercegovine
Trg Bosne i Hercegovine broj 1/IV, Sarajevo
5. EIB Internationale - Centar za motorna vozila Banja Luka
Skendera Kulenovića br.14., Banja Luka
6. Web stranica UIO
7. a/a



DIREKTOR

dr. MIRO DŽAKULA